



# DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA,

*CARDINALITIIS DISPUTATIONIBUS  
manè discutienda in Scholis Medicorum, die Martis decimo mensis  
Aprilis, Anno Domini M. DCC. LIX.*

### PRÆSIDE

M. JOANNE ASTRUC, salubris Consilii Regii  
Socio, Regis Poloniarum Augusti Secundi, Electoris  
Saxoniae, dum viveret, Medico Primario, & Professore  
Regio, Doctore Medico.

*An Saccharum Alimentum?*

#### I.



ITÆ viribus continuis magnisque dispendiis debilitatum homi-  
nis corpus, continuam requirit reparationem. Hinc nata ali-  
menti necessitas; alimentum enim dicitur corpus nostræ substan-  
tiæ conservandæ, reparandæ & adaugendæ idoneum. Hinc &  
pater nutritionis beneficium: quæ juxta Galenum (a), est ejus  
quod nutrit, ad id quod nutritur assimilatio. Huic perficiendæ

(a) Comment.  
2. in lib. Hipp.  
de alimentis.

inopiam dicata fuissent innumera instrumenta; frustra nobis apponerentur mul-  
tiplicis speciei alimenta, nisi unicuique nostrum ingenitus foret illorum appe-  
titus. Verum ut generis humani propagationi, sic & individui conservationi,  
prospexit naturæ Author. Sensationes homini custodes dedit. Ad cibum capien-  
dum voluptas invitat quæ in gustu percipitur, cogit dolor qui fames vocatur.  
Quin & ventriculo famulantur ceteri sensus. Sic amœnus ciborum color, fra-  
grans odor gratusque sapor torpentem excitant appetitum. Naturali igitur ins-  
tinctu ducti, allecti cupidine & impulsu necessitate alimenta appetimus, sumi-  
mus, voramus: quod jucundiora, ed, ut plurimum, salubriora. Hinc dulcibus.

A

insipidifve delectamur omnes nondum corrupti palato; omne etenim nutrit dulce vel insipidum.

## I I.

(b) Hippoc.  
lib. de alimento.

(c) Boerhav.  
Inst. Med. num.  
451.

(d) Quæst.  
Med. Par. 1751.  
Præf. M. Theod.  
doro Baton, *An*  
*salubritatis ali-*  
*mentorum optima*  
*indicatrix Chle-*  
*ma, album.*

**A**LIMENTUM & alimenti species, unum & multæ (b): unum quidem quatenus genus unum. Corpus mucosum vocant Chemic. Inodorum est, dulce vel insipidum, aquâ maximè solubile, eâque dissolutum ex naturâ suâ glutinosum, lentescens & viscidum evadit: albuminis ovi simillimum: (c) in quo proinde adsunt omnes conditiones, quæ in eo humore reperiuntur, unde certâ experimenti fide novimus solo incubatu pullum nutriri & adaugeri: solum igitur ens verè plasticum. Digestionis ope ex alimentis extrahitur gluten illud alibile, levem prius in ventriculo fermentationem experitur. Iterato circulationis motu magis ac magis attenuatum, & ab admixtis heterogeneis corporibus, secretionum & excretionum ope expurgatum, fit tandem ros ille benignus, prædulcis, sui similis, & naturæ tenax assimilationi proximus; lympham animaleam vocant. Jam verò seorsim exploratum (d) mucosum corpus confstatum reperitur ex acido, oleo, aquâ terræque copiosâ, sed ita inter se mixtis, ut ex iis principiis nullum prædominium teneat, & ex iis componatur corpus omnium dulcissimum. Unicum est in rerum naturâ quod fermentationis motum experiatur; unde omnia vegetantia quæ fermentatione mutantur in liquorem spiritu ardente factum, vinum vulgò dictum, corpore illo turgida esse, proindeque nutriendi aptissima docent Chemic. Huic porro saccharum omnino simile, inodorum, dulce, aquâ solubile, quâ dissolutum exhibet pariter corpus ex naturâ suâ glutinosum, lentescens & viscidum: necnon & motu fermentationis in liquorem spiritu ardente factum mutatur. Hinc primum ab analogiâ mutuamur argumentum. Alterum nobis ministrat chemica analysis; illâ namque ex saccharo eadem educuntur principia, quæ ex melle, mannâ, gummi arabico, frumento & hordeo, aliisve innumeris corporibus nutritivis simili operatione obtinentur.

## I I I.

(e) Essais sur  
les aliments, Pa-  
ris, 1757. to. 1.  
p. 107.

**A**LIMENTI species multæ: tot sunt quot in vegetantium & animalium regno numerantur individua; omnibus namque inest (e) generalis & una materies nutritiva quam corpus mucosum diximus. Neque ideo profunt cuncta, sed ea tantum quæ illud eminenter continent purum perfectumque. Mineralium classi alienum in animalium regno abundanti copiâ deprehenditur lymphæ vel gelatinæ nomine insignitum: ubi tamen â naturâ vegetabili paulò mutatum reperitur; licet enim prædulce semper & naturæ tenax; principia nihilominus habet magis attenuata\*, quod & insuper desecatissimum est. Unde homines

\* Hinc ad putridam fermentationem maxime pronum, jam non amplius fermentationis spirituosæ capax; hinc propius ad alkalinam indolem vergens: unde analysi chimicâ alkali volatile copiosum educitur ex lymphâ animali, videlicet ovi albumine, cornu cervi &c. nullum verò fal acidum: dum è contrâ eadem operatione spiritus acidus stillat ex corpore mucoso vegetantium, nullum verò alkali volatile; neque tamen existit tale in lymphâ animali alkali volatile. Sed corporis mucosi principia divisa & attenuata, tum præviâ digestionis animalis fermentatione, cum reperitis inter circulandum vasorum collisionibus, ad talem aggregationem

ignis ope determinantur, ut ex acido, oleo & terrâ subtili maximè attenuatis & simul unitis exsurgat alkali volatile. Quidam & observantur in animalibus humores indolis utriusque vegetabilis & animalis participes, utpote nondum adhuc naturæ animali perfectè assimilati: qui idè distillatione exhibent & acidum fal & alkali volatile: sic chylus & chylosus humor lactis nomine donatus. Sic & pariter ex vegetantibus fermentationis spirituosæ producta præ attenuatione principiorum exhibent quoque fal acidum & alkali volatile: sic tartarum & fœces vini.

nutrimentum perfectius ipsisque magis analogum ex animalibus, imprimis herbivoris, sibi consulti paraverunt. At vegetantium classis primum corporis mucosi formationis instrumentum est; ex quibus proinde maximâ copiâ obtinendum venit. Quod præ cæteris eminenter continent quamplurimâ Botanices familiæ. Sic illud reperire est in totâ siliquosarum plantarum familiâ, acetosis omnibus &c., in permultis fructibus, imprimis horæis & dulcibus. Sic & salubris cruciferarum familia alkali volatili turgida, simul & materie nutritivâ dives tota depascitur ab animalibus: dum è contra perfectior (f) hodiernum rubiacearum familia corpore mucoso fere destituta illis intacta remanet. Ad illam pertinent semina *coffæ*, è quibus torrefactis fallacem sibi parant potum homines inconsiderati; sed caveant, medicamentum enim, non verò alimentum est. Felices quibus delectabilior innoxia sacchari dulcedo quàm ingrati potus amarities noxia. Nemo nescit graminearum familiam, ad quam pertinent omnia frumentacea, & animalibus & generi humano sufficere alimentum. Sed character individui familiarum naturalium Botanices huic communi animantium nutritrici annumerat arundinem sacchariferam \*\*, unde vulgatum educitur saccharum. Vides igitur quàm amicè in unam propositionis nostræ veritatem conspirent analogia, Chémia & Botanices. Vides & etiam quàm rectè ex iis concludat ratiocinium.

(f) Perfectio celeberrimus Botanices Profell. Reg. M. Bernardus de Jussieu.

\*\* Arundo saccharifera C. B. radix succulenta, crassa, geniculata, calamus geniculatus, lævis, nitens ad octo vel novem pedum altitudinem affurgit, pollices duos, tres; quatuorve, crassus cum medullâ interiori, fungosâ, succulentâ, dulci, albâ: folia ex quolibet internodio promit longa & acuminata: in summo culmi vertice panicula spicata, flores flammæ. Sponte nascitur in Indiâ, Canarinis Insulis & calidis Americæ regionibus. Ex illâ per expressionem nostrum educunt saccharum, quod deinde per coctionem (addito lexivio alkalino) ab heterogeneis corporibus expurgatum diffilat aquâ

succescit, crystallinamque induit formam quâ diutius incorruptum servatur. Nunc verò tam per rationes à priori quàm per experimenta à posteriori evictum est quod ex aliis quoque plantis succulentis & dulcibus sal saccharo simile produci possit: quo etiam referri meretur quod ex multo inspissato temporis progressionem crystalli sacchari generentur. Quinimò saccharifera est tota frumentacearum classis: cunctarum enim calamus lentus adhuc dum & viridis, parte geniculatâ mediâ fractus, & ore expressus fundit succum dulcem, melleum: norbnt & pueri.

# I V.

QUOD si pro nobis etiam militet experientia, quid contra nos? Sed experimentis nostram confirmare sententiam haud ardua res est. Homines quamplurimi multum sacchari comedunt. Magnates ferè omnes & illi quibus lauta parantur convivia saccharo tum in cibis condito, cum in liquoribus variis dissoluto utuntur copiosè; neque ullam ex eo percipiunt noxam. Quinimò observatum est *sacchariphagos* vulgò esse obæsos sanamque & longævam degere vitam. Testes voco manes Angli perillustri Ducis de Beaufort. Septuagenarius febre obiit; per annos quadraginta sacchari libram unam & amplius singulis diebus comedere solebat. Hujus aperto cadavere, viscera sana & illæsa reperta fuere; dentes firmi & integri. Britannus alter (g) centum annos vixit sanus ac vegetus, saccharo & melle delectabatur, & omnes cibos, carnes fructusve saccharo condire solebat. At in patriis sacchari regionibus haud infrequenter sunt hujuscemodi observationes. Brasiliæ indigenæ robustissimi mortalium, qui frequenter septem pedum staturam attingunt, ante Europeorum adventum non magis centesimo anno decrepiti, quàm Europei quando sexagenarii sunt, vivebant semine Mais, *saccharo*, (h) aurantis solis. Nigritæ fugitivi arundinibus sacchariferis vitam sustentant. Succum dulcem ore exprimunt, sic famem sitimque explentes. Ex his omnibus concludas saccharum homini sufficere alimentum æque salubre ac jucundum. Neque homini tantum; asserunt enim arundines sacchariferas con-

(g) Vid. Mart. med. M. Geoffroi, c. de saccharo.

(h) Pisto hist. Briss. l. 1. p. 12. & 15.

ritas & jam expressas; tum & sæculentam copiosamque spumam quæ à primâ sacchari coctione è cortinâ aufertur, pecoribus escam potumque suppeditare, eaque mirum in modum pinguefacere.

V.

JAM verò nostræ conclusioni apponendum est autoritatis sigillum. Si Hippocratem audiamus, omne dulce nutrit, melque optimum est alimentum. Ex dulcibus nutritur, ait Galenus. Sed dulce gustu, dulce facultate saccharum; quòd juxta analysim chemicam ejusdem omninò naturæ est cum melle. Nicolaus Pison Author Boerhaavio commendatus sic loquitur (i): saccharum rosatum utile phtisicis: terget saccharo & rosarum amarâ substantiâ: Saccharo nutrit, rosâ refrigerat & glutinat. Idem sentientes Medici omnes hoc medicamenti genus in phtisi summopere commendarunt. Riverius (k) novit Pharmacopœum quendam phtisicum qui ingentem sacchari rosacei quantitatem sibi ipse præparabat, idque perpetuò comedeat; & hoc solo remedio sanatus est. Pharmaceuticæ compositiones maximè officinales quæ cum duplo sacchari, ut plurimum, conficiuntur, syrupi, conservæ, tabellæ &c. nos evincunt Medicos omnium ætatum nusquam fuisse saccharo infensos. Nemo fuit usque in hodiernum diem qui saccharo condita seu alimenta sive medicamenta rectè improbaret. Quin imò jure & merito salubria prædicantur (l). Hæc scripsit celeberrimus Geoffroi (m): saccharum cum cibis moderatè sumptum satis laudabile nutrimentum subministrat. In saccharo sicut in cæteris edulis vegetabilibus acidum oleosum & terreis particulis ita implicatur & irretitur, ut lapidum salutareque alimentum & condimentum præbeat gratissimum. Ut priùs igitur analogiâ, chemiâ, botanicè, ratione & experienciâ sic ex autoritate nunc concludere pronum est.

### Ergo Saccharum alimentum. \*

\* Neque timeant calcis aut lixivii alkalini, quæ saccharo coctionis tempore admiscuntur, terræ argillacæ aliquid admixtum remanere, ipsique nocivas inducere qualitates. Nihil horum in saccharo probè purgato deprehenditur. Neque magis reformidandum est sal acidum in saccharo contentum; illud namque omninò convenit naturâ & dotibus cum spiritu acido frumenti, hordei, mellis, aliorumque corporum nutritivorum. Quodque ut in illis sic in saccharo ita cæteris principiis implicatur & irretitur, ut absque ignis actione, aut diutius protracto fermentationis motu nulla sui præbeat indicia. Saccharum itaque probatoris experimentis exploratum nullas aut acidi, aut alkali, aut calcis vivæ terræ argillacæ notas præbet. Si solutioni sacchari immisceatur alkalinus liquor, nullus exinde oritur effervescentiæ

motus, nullumque aliud adparet phænomenon. Sic pariter spiritus vitrioli in sacchari frustulum cadens, aut ejus dissolutioni admixtus, nullum excitat effervescentiæ motum, neque liquori ullam inducit mutationem: quæ pluries cum eventu semper eodem expertus sum. Nec mirum: syrupus violaceus cum duplo sacchari conficitur, nec mutatur violarum color; quinimò hunc syrupum adhibent chemici ad explorandam acidam alkalinaque liquoris cujuslibet indolem: nec fallunt expectata phænomena. Dubitas? Saccharo conduntur fructus acidi, tum spicula acida fructuum, alkalinas partes (si adessent in saccharo) notâ lege affinitatis invitarent ad sui nubium, unde emergerent salia neutra ingrati saporis: porro nihil horum deprehenditur in fructibus saccharo conditis.

Proponebat Parisiis STEPHANUS DHUAME, Blænsis, Doctor Medicus Monspelienfis, Saluberrimæ Facultatis Medicinæ Parisiensis Baccalæus, Theos Author, A. R. S. H. 1759, A SEXTA AD MERIDIEM,